

L I G J

Nr. 8977, date 12.12.2002

PER SISTEMIN E TAKSAVE NE REPUBLIKEN E SHQIPERISE

Ne mbështetje te neneve 78, 83 pika 1 dhe 155 te Kushtetutës, me propozimin e Këshillit te Ministrave,

K U V E N D I I REPUBLIKES SE SHQIPERISE

V E N D O S I:

Neni 1 Qëllimi

Ky ligj përcakton llojet e taksave kombëtare qe zbatohen ne Republikën e Shqipërisë, nivelin e taksave, procedurat e llogaritjes, arkëtimit dhe transferimit ne Buxhetin e Shtetit, si dhe detyrimet qe kane agjentet e taksave kombëtare.

Neni 2

Ne Republikën e Shqipërisë, sistemi i taksave përbëhet nga taksat kombëtare dhe taksat vendore. Ky ligj trajton taksat kombëtare. Taksat vendore trajtohen me ligj te veçante.

Neni 3 Përkufizime

Për qëllime te këtij ligji, fjalët e mëposhtme kane këto kuptime:

1. "Taksapagues" është çdo individ, person fizik ose juridik, vendas ose i huaj, i cili është i detyruar te paguaje një nga taksat kombëtare, te përcaktuara ne këtë ligj .
2. "Takse" janë taksat kombëtare, te vendosura me këtë ligj.
3. " Agjent i taksave" është personi, i cili, sipas kërkesave te këtij ligji, është përgjegjës për llogaritjen, arkëtimin dhe transferimin ne llogarite e Buxhetit te Shtetit te te ardhurave nga taksat kombëtare.

Neni 4 Llojet e taksave kombëtare

Taksat kombëtare janë:

1. Taksat portuale.
2. Taksat për shërbimet konsullore.
3. Taksa vjetore e tonazhit te mjeteve për aks.
4. Taksa e qarkullimit te automjeteve te huaja.
5. Taksa e importimit te automjeteve te përdorura.
6. Taksa e pajisjes me leje drejtimi për drejtim automjeti.
7. Taksa e përdorimit te aparateve radiotelevizive.
8. Taksa e përdorimit te numrit telefonik.

9. Taksa për veprime e shërbime nga administrata gjyqësore, Ministria e Drejtësisë, Prokuroria, noteria dhe Zyra e Regjistrimit të Pasurive të Paluajtshme.
10. Taksa e regjistrimit në arsimin e lartë.
11. Taksa për shërbimet e radiokomunikacioneve.
12. Taksa vjetore për shërbimet e transmetimeve radiotelevizive.
13. Taksa e kalimit me avion të kufirit shtetëror të Republikës së Shqipërisë.
14. Taksa e pajisjes së personave me pasaportë lundrimi.
15. Taksa për ushtrimin e veprimtarisë së peshkimit.
16. Taksa e akteve dhe e pullës.
17. Taksa për ulje-ngritjen e avionëve dhe qëndrimin e tyre në aeroport.
18. Taksa për mbikalimet ajrore të avionëve mbi territorin e Republikës së Shqipërisë.
19. Taksa e rentës minerare.
20. Taksa e kalimit të së drejtës së pronësisë për pasurinë e luajtshme (automjetet).
21. Taksa e rrugës Durrës-Kukës:
 - a) mbitaksa për importet e taksueshme;
 - b) taksa për konsumin e karburanteve;
 - c) taksa vjetore nga tatimpaguesit e regjistruar në TVSH.
22. Taksa e karbonit për benzinën, benzolin dhe gazoilin.
23. Taksa për ambalazhet plastike të lëngjeve (bidonë, shishe plastike e kuti të plastifikuara të gjitha formave dhe përmasave), të mbushura, të prodhuara në vend dhe të importuara, për produktet: ujë, pije freskuese, lëngje frutash e perimesh, qumësht dhe nënproduktet e tij, vajra ushqimore, vajra lubrifikante dhe detergjente.

Neni 5

Niveli i taksave kombëtare

Niveli i taksave kombëtare të përmendura në nenin 4 është:

1. Taksat portuale paguhen nga anijet, të cilat kryejnë veprimtari tregtare, sa herë që prekin portet dhe radar të Republikës së Shqipërisë, sipas lidhjes nr .1, që i bashkëlidhet këtij ligji, dhe që është pjesë përbërëse e tij .

Veprim tregtar i anijes quhet ngarkimi ose shkarkimi i mallrave, zbarkimi dhe imbarkimi i udhëtarëve për transport.

Nuk quhen veprime tregtare:

- a) riparimi ose dokimi i anijeve;
- b) zbarkimi i personave të transportuar nga anija, të cilët ndiqen nga autoritetet përkatëse ligjore;
- c) zbarkimi ose imbarkimi i pjesëtarëve të ekuipazhit të anijeve dhe të personave të sëmurë dhe të vdekur;
- ç) ngarkimi ose shkarkimi i mallrave të përfaqësive të trupit diplomatik të akredituar në Republikën e Shqipërisë dhe të përfaqësive tona diplomatike jashtë vendit;
- d) furnizimi i anijeve me ujë të pijshëm, sende ushqimore, karburante e lubrifikante, materiale e pjesë ndërrimi etj. ;
- dh) ndalesat në porte të anijeve për shkak të kohës së keqe, avarive të ndryshme dhe veprimeve në ndihmë të tyre nga anijet e tjera;
- e) hyrja në porte pa ngarkesë e anijeve të personave fizike e juridike, të regjistruar në Republikën e Shqipërisë.

2. Taksat për shërbimet konsullore caktohen sipas lidhjes nr .2, që i bashkëlidhet këtij ligji dhe është pjesë përbërëse e tij .

3. Taksa vjetore e tonazhit të mjeteve për aks caktohet sipas lidhjes nr .3, që i bashkëlidhet këtij ligji dhe është pjesë përbërëse e tij .

4. Taksa e qarkullimit të automjeteve të huaja caktohet sipas lidhjes nr .4, që i bashkëlidhet këtij ligji dhe është pjesë përbërëse e tij .
5. Taksa e importimit të automjeteve të përdorura caktohet:
- 5.1. Për mjetet e prodhuara deri me 31 dhjetor 1995:
- a) për autoveturat: 60 000 (gjashtëdhjetë mijë) leke;
 - b) për mjetet e tjera për transportin e jo me shumë se 10 personave, mikrobusë, furgonë dhe mjete të tjera për transportimin e mallrave me peshëmbajtje deri në 5 tone: 80 000 (tetëdhjetë mijë) leke;
 - c) për autobusët dhe mjetet e tjera për transportin e mallrave me peshe mbajtje mbi 5 tone: 100 000 (njëqind mijë) leke;
 - ç) Për traktorët rrugore (kokat tërheqëse) 40 000 (dyzetë mijë) leke.
- 5.2. për mjetet e prodhuara nga data 1 janar 1996:
- a) për autoveturat: 40 000 (dyzetë mijë) leke;
 - b) për mjetet e tjera për transportin e jo me shumë se 10 personave, mikrobusë, furgone dhe mjete të tjera për transportimin e mallrave me peshe mbajtje deri në 5 tone: 50 000 (pesëdhjetë mijë) leke;
 - c) për autobusët dhe mjetet e tjera për transportin e mallrave, me peshëmbajtje mbi 5 tone: 50 000 (pesëdhjetë mijë) leke;
 - ç) për traktorët rrugore (kokat tërheqëse) 30 000 (tridhjetë mijë) leke.
6. Taksat e pajisjes me leje drejtimi për drejtimin e automjeteve caktohen:
- a) për lejedrejtimi të kategorisë A 3 000 (tre mijë) leke;
 - b) për lejedrejtimi të kategorisë B 4 500 (katërmijë e pesëqind) leke;
 - c) për lejedrejtimi të kategorisë C 2 000 (dy mijë) leke;
 - ç) për lejedrejtimi të kategorisë D 3 000 (tre mijë) leke;
 - d) për lejedrejtimi të kategorive BE, CE dhe DE 3 000 (tre mijë) leke.
7. Taksa e përdorimit të aparaturave radioteleviziv nga çdo përdorues caktohet:
- a) për marrësit radiofonike 100 (njëqind) leke në vit;
 - b) për marrësit televizive 400 (katërqind) leke në vit.
- Kjo takse llogaritet dhe paguhet nga përdoruesit familjare vetëm për një marrës radioteleviziv, pavarësisht nga numri i aparateve që kanë në familje. Për përdoruesit e tjerë jo familjare kjo takse paguhet për çdo aparat marrës.
8. Taksa për përdorimin e numrit telefonik.
- a) për telefoninë kabllorë paguhet nga çdo zotërues në masën 200 (dyqind) leke në vit;
 - b) për telefoninë celulare me kontratë paguhet nga çdo zotërues në masën 400 (katërqind) leke në vit;
 - c) për telefoninë celulare me parapagim (karte) paguhet nga çdo zotërues në masën 700 (shtatëqind) leke, vetëm në çastin e shitjes së numrit.
9. Taksat për veprime të shërbimeve nga administratat: gjyqësore, e Ministrisë së Drejtësisë, prokurorisë, noterisë dhe Zyrës së Regjistrimit të Pasurive të Paluajtshme caktohen sipas lidhjes nr .5, që i bashkëlidhet këtij ligji dhe është pjesë përbërëse e tij .
10. Taksa e regjistrimit në arsimin e lartë është 200 leke për çdo vit shkollor.
11. Taksat për shërbimet e radiokomunikacioneve caktohen sipas lidhjes nr .6, që i bashkëlidhet këtij ligji dhe është pjesë përbërëse e tij .
12. Taksat vjetore për shërbimet e transmetimeve radiotelevizive caktohen sipas lidhjes nr.9, që i bashkëlidhet këtij ligji dhe është pjesë përbërëse e tij .
13. Taksa e kalimit me avion të kufirit shtetëror të Republikës së Shqipërisë caktohet:
- a) për shtetasit e huaj 10 EURO për çdo kalim ose kundervlefte në 10 EURO e monedhave të huaja, të konvertueshme;

b) për shtetasit shqiptare 1 000 (një mijë) leke për çdo kalim.

14. taksa e pajisjes me pasaporte lundrimi caktohet 750 (shtatëqind e pesëdhjetë) leke për çdo person..

15. Taksa e ushtrimit të veprimtarisë së peshkimit caktohet sipas lidhjes nr. 7, e cila i bashkëlidhet këtij ligji dhe është pjesë përbërëse e tij .

16. Taksa e akteve dhe e pullës caktohet sipas lidhjes nr. 5, e cila i bashkëlidhet këtij ligji dhe është pjesë përbërëse e tij .

17. Taksa për ulje-ngritjen e avionëve dhe qëndrimin e tyre në aeroport caktohet sipas lidhjes nr.8, që i bashkëlidhet këtij ligji dhe është pjesë përbërëse e tij.

18. Taksa e mbikalimeve ajrore të avionëve mbi territorin e Republikës së Shqipërisë llogaritet në baze të njësisë "unit rate", e cila caktohet çdo vit nga Eurokontrolli.

19. Taksa e rentës minerare caktohet sipas ligjit nr.7796, datë 17.2.1994 "Ligji mineral i Shqipërisë " .

20. Taksa e kalimit të së drejtës së pronësisë për pasurinë e luajtshme (automjete) është në masën 2 për qind të vlerës së pasurisë së kaluar dhe paguhet në çastin e kryerjes së aktit të kalimit të pronësisë. Për mjetet e prodhuara deri në dhjetë vjet nga çasti i kalimit të pronësisë, taksa është 2 për qind e vlerës, por jo më pak se 10 000 (dhjetë mijë) leke, ndërsa për mjetet e prodhuara mbi dhjetë vjet nga çasti i kalimit të pronësisë, taksa është 2 për qind e vlerës, por jo më pak se 5 000 (pese mijë) leke.

21. Taksa e rrugës Durrës-Kukës:

a) mbitaksa për importet e taksueshme caktohet në masën 1 për qind për të gjitha mallrat e importuara, të taksueshme;

b) taksa mbi konsumin e karburantit caktohet në masën 3 leke për litër për gazoilin, benzinën dhe benzolin, të cilat janë importuar ose prodhuar në vend;

c) taksa vjetore për tatimpaguesit e regjistruar në TVSH caktohet në masën 30 000 (tridhjetë mijë) leke në vit.

22. Taksa e karbonit caktohet në masën 0,5 leke për litër për benzinën dhe benzolin dhe 1 (një) lek për litër për gazoilin. Kjo takse zbatohet si për karburantet e importuara, ashtu edhe për ato të prodhuara në vend.

23. Taksa për ambalazhin plastik të lëngjeve caktohet në masën:

a) 2 leke për cope për ambalazhet me kapacitet mbi 1,5 litra;

b) 1 lek për cope për ambalazhet me kapacitet 1,5 litra ose më pak se 1,5 litra.

Neni 6

Agjentët e taksave

Sipas llojit të taksave kombëtare, agjentët që ngarkohen me vjeljen e tyre janë:

1. Për taksat portuale ngarkohet kapitaneria e porteve, e cila i vjel këto taksa drejtpërdrejt ose nëpërmjet agjencive detare, shtetërore ose private. .

2. Për taksat e shërbimeve konsullore ngarkohen Ministria e Punëve të Jashtme dhe Ministria e Rendit Publik:

3. Për taksën vjetore të tonazhit të mjeteve për aks ngarkohet Drejtoria e Përgjithshme e Shërbimeve të Transportit Rrugor. Drejtoria e Qarkullimit Rrugor pranë Ministrisë së Rendit Publik, nëpërmjet degëve në rrethe, kontrollon pagimin e kësaj takse nga zotëruesit e mjeteve.

4. Për taksën e qarkullimit të automjeteve të huaja ngarkohen degët e doganave në pikat e kalimit kufitar .

5. Për taksën e importimit të automjeteve të përdorura ngarkohen degët e doganave në Drejtorinë e Përgjithshme të Doganave.

6. Për taksen e pajisjes me lejedrejtimi për drejtim automjeti ngarkohet Drejtoria e Përgjithshme e Shërbimeve të Transportit Rrugor .
 7. Për taksen për përdorimin e aparateve radiotelevizive ngarkohen zyrat e pagesës së energjisë elektrike. Zyrat e pagesës së energjisë elektrike transferojnë në llogarinë e degëve të tatimeve shumë të arkëtuara nga kjo takse.
 8. Për taksen për përdorimin e numrit telefonik ngarkohen operatorët përkatës, që veprojnë në Republikën e Shqipërisë.
 9. Për taksen për kryerjen e veprimeve të shërbimeve administrative në: gjykata, Ministrinë e Drejtësisë, prokurori, noteri dhe Zyrën e Regjistrimit të Pasurive të Paluajtshme ngarkohen administratat përkatëse të këtyre institucioneve.
 10. Për taksen për regjistrimin në arsimin e lartë ngarkohen universitetet dhe shkollat e tjera të larta.
 11. Për taksen për shërbimet e radiokomunikacioneve ngarkohet Enti Rregullator i Telekomunikacionit (ERT).
 12. Për taksen vjetore për shërbimet e transmetimeve radiotelevizive ngarkohet Këshilli Kombëtar i Radios dhe Televizionit (KKRT).
 13. Për taksen e kalimit me avion të kufirit shtetëror të Republikës së Shqipërisë ngarkohen organet doganore.
 14. Për taksen për pajisjen e personave me pasaporte lundrimi ngarkohet Kapitaneria e Porteve.
 15. Për taksen e ushtrimit të veprimtarisë së peshkimit ngarkohet Drejtoria e Përgjithshme e Peshkimit.
 16. Për taksen e akteve dhe të pullës ngarkohen zyrat e gjendjes civile.
 17. Për taksen për ulje-ngritjen e avionëve dhe qëndrimin e tyre në aeroport ngarkohet Drejtoria e përgjithshme e Aviacionit Civil, nëpërmjet Albtransportit.
 18. Për taksen e mbikalimeve ajrore mbi territorin e Republikës së Shqipërisë ngarkohet Drejtoria e përgjithshme e Aviacionit Civil, nëpërmjet Agjencisë Kombëtare të Trafikut Ajror (ANTA).
- Te ardhurat nga taksat, sipas pikave 17 dhe 18 të këtij neni: taksa për ulje-ngritjen e avionëve dhe qëndrimin e tyre në aeroport dhe taksa e mbikalimeve ajrore të avionëve mbi territorin e Republikës së Shqipërisë, përdoren kryesisht për mirëmbajtjen dhe modernizimin e aeroportit të Rinasit ose të aeroporteve të tjera.
19. Për vjeljen e taksës së rentës minerare ngarkohen organet tatimore.
 20. Për taksen për kalimin e të drejtës së pronësisë për pasuritë e luajtshme (automjetet) ngarkohet Drejtorinë e Përgjithshme të Shërbimeve të Transportit Rrugor .
 21. Për taksen e rrugës Durrës- Kukës :
 - a) Për mbitaksën e importeve të taksueshme ngarkohet Drejtoria e Përgjithshme e Doganave, nëpërmjet degëve të saj;
 - b) Për taksen e konsumit të karburantit ngarkohet Drejtoria e Përgjithshme e Doganave, nëpërmjet degëve të saj për gazoilin, benzinën dhe benzolin e importuar, si dhe Drejtoria e Përgjithshme e Tatimeve për prodhuesit vendas të benzinës, gazoilit dhe benzolit;
 - c) Për taksen vjetore nga tatimpaguesit e regjistruar në TVSH ngarkohet Drejtoria e Përgjithshme e Tatimeve, nëpërmjet degëve të saj.
- Te ardhurat nga taksat e rrugës Durrës-Kukës përdoren vetëm për ndërtimin e rrugës Durrës-Kukës. Fondet e papërdorura brenda vitit mbarten në vitet pasardhëse.
22. Për vjeljen e taksës së karbonit ngarkohet Drejtoria e Përgjithshme e Doganave, nëpërmjet degëve të saj, për karburantin e importuar dhe Drejtoria e Përgjithshme e Tatimeve, nëpërmjet degëve të saj, për karburantin e prodhuar në vend.

23. Për vjeljen e taksës së ambalazheve plastike të lëngjeve të importuara ngarkohet Drejtoria e Përgjithshme e Doganave, nëpërmjet degëve të saj; për ambalazhet plastike të lëngjeve të prodhuara në vend ngarkohet Drejtoria e Përgjithshme e Tatimeve, nëpërmjet degëve të saj.

Neni 7

Transferimi i të ardhurave nga taksat kombëtare në Buxhetin e Shtetit

Taksa vjetore është e menjëhershme dhe paguhet brenda tremujorit të parë të vitit në vazhdim. Agjentët e taksave janë të detyruar t'i transferojnë taksat e vjelura në Buxhetin e Shtetit, brenda datës 30 të muajit, në të cilin janë arkëtuar taksat.

Kur detyrimi për pagimin e taksave vjetore për herë të parë lind në 6-mujorin e parë paguhet 100 për qind e taksës, ndërsa kur ky detyrim lind në 6-mujorin e dytë paguhet 50 për qind e masës së këtyre taksave.

Neni 8

Taksat që vilen nëpërmjet pullës dhe biletave

Taksat kombëtare që vilen nëpërmjet pullës janë si më poshtë

- a) taksat për shërbimet konsullore;
- b) taksa vjetore e tonazhit për aks të mjeteve;
- c) taksat me karakter administrativ për veprimet gjyqë prokurorisë, noterisë e të Zyrës së Regjistrimit të Pasurive të Paluajtshme;
- ç) taksat e akteve të gjendjes civile.

2. Taksa kombëtare që vilet nëpërmjet biletës së taksës është taksa e kalimit me avion të kufirit shtetëror të Republikës së Shqipërisë.

Neni 9

Komisionet që përfitojnë agjentët e taksave

Taksat arkëtohen nga agjentët e taksave, të përcaktuar në nenin 6 të këtij ligji.

Këto taksa transferohen të gjitha sipas tarifave të përcaktuara në nenin 5 të këtij ligji në llogaritë e të ardhurave tatimore të Buxhetit të Shtetit.

Për shërbimin që kryejnë, agjentëve të taksave u jepet komisioni përkatës në rrugë buxhetore. Ky komision llogaritet në përqindje mbi masën e taksave që kanë arkëtuar dhe kanë transferuar në Buxhetin e Shtetit. Masa në përqindje e komisionit është si më poshtë:

1. Për taksat portuale (kapitanerisë së porteve)	4 për qind;
2. Për taksat për shërbimet konsullore	3 për qind;
3. Për taksen vjetore të tonazhit të mjeteve për aks e cila ndahet:	22 për qind;
Drejtoria e Përgjithshme e Shërbimeve të Transportit Rrugor	22 për qind;
Drejtoria e Qarkullimit Rrugor pranë Ministrisë së Rendit Publik	2 për qind;
4. Për taksen e qarkullimit të automjeteve të huaja	3 për qind;
5. Për taksen për importimin e automjeteve të përdorura	0 për qind;
6. Për taksen për pajisje me leje drejtimi për drejtim automjeti	5 për qind;
7. Për taksen për përdorimin e aparateve radiotelevizive	5 për qind;
8. Për taksen për përdorimin e numrit telefonik	5 për qind;
9. Për taksat për veprimet e shërbimit nga administrata gjyqësore, Ministria e Drejtësisë, prokuroria, noteria dhe Zyra e Regjistrimit	

te Pasurive te Paluajtshme	5 për qind;
Nga kjo:	
a) Për organet gjyqësore dhe zyrat e Regjistrimit te Pasurive te Paluajtshme	2 për qind;
b) Për noteritë	0 për qind;
c) Për subjektet, te autorizuara nga ligji nr.8002, date 27.9.1995 “Për përdorimin dhe administrimin e pullave te taksave”, për shitjen e pullave te taksës”,	3 për qind;
10. Për taksen e regjistrimit ne arsimin e larte	2 për qind;
11. Për taksen e shërbimit te radiokomunikacioneve	5 për qind;
12. Për taksen vjetore për shërbimet e transmetimeve radiotelevizive.	5 për qind;
13. Për taksen për kalimin me avion te kufirit shtetëror te Republikës se Shqipërisë	3 për qind;
14. Për taksen për pajisjen me pasaporte lundrimi	0 për qind;
15. Për taksen për ushtrimin e veprimtarisë se peshkimit	5 për qind;
16. Për taksen e akteve dhe te pullës	5 për qind;
17. Për taksen për ulje-ngritjen e avionëve dhe për qëndrimin e tyre ne aeroport	3 për qind;
18. Nga te ardhurat e vjela nga taksat e mbikalimeve ajrore te avionëve ne territorin e Republikës se Shqipërisë, përqindja qe do t'i jepet Agjencisë Kombëtare te Trafikut Ajror është:	80 për qind;
Nga kjo përqindje jo me pak se 70 për qind është për investime.	
19. Për taksen e rentës minerare (Royalty)	0 për qind;
20. Për taksen e kalimit te se drejtës se pronësisë për pasuritë e luajtshme (automjetet)	8 për qind;
21. Për taksen e rrugës Durrës-Kukës	0 për qind;
22. Për taksen e karbonit	0 për qind;
23. Për taksen e ambalazhit plastik te lëngjeve	0 për qind;

Komisionet e përfituara përdoren:

1. Ne formën e shpërblimit mbi pagën për vështirësi ne pune deri ne masën 20 për qind te pagës për punonjësit qe shërbejnë si agjente tatimore. Punonjësit qe përfitojnë këto shpërblime, përcaktohen nga drejtuesit e subjekteve.
2. Ne formën e pagës, për rastet kur merren punonjës te rinj, për përballimin e vjeljes se taksave.
3. për mekanizimin, informatizimin, përmirësimin e kushteve te punës, si dhe përballimin e shpenzimeve për vjeljen e taksave.

Neni 10

Përjashtimet nga pagimi i taksave kombëtare

1. Përjashtohen nga pagimi i taksave portuale:

a) Anijet qe transportojnë ndihma humanitare ne Republikën e Shqipërisë:

i. anijet e shërbimeve detare ne porte;

ii. anijet luftarake, spitalore, kabull mbajtëse, si dhe anijet baze dhe ato qe u shërbejnë atyre për zonat e kërkimit e te shfrytëzimit te naftës ne det.

b) për anijet qe prekin Portin e Durrësit, taksat portuale zbatohen ne masën 1 00 për qind, kurse për anijet qe prekin portet e Vlorës, Sarandës, Shëngjinit dhe piken e benzinës-jellësit ne Vlore, taksat portuale zbatohen ne masën 20 për qind me te ulëta.

c) për anijet e personave fizike dhe juridike, të regjistruar në Republikën e Shqipërisë, taksat portuale zbatohen:

i) me 50 për qind zbritje për anijet me flamur shqiptar;

ii) me 20 për qind zbritje për anijet me flamur të huaj.

ç) Anijet me flamur shqiptar të personave fizike ose juridike, të regjistruar në Republikën e Shqipërisë, që kryejnë transport të brendshëm detar dhe peshkim, paguajnë taksën e anijes një here, në prekje të parë të çdo porti shqiptar dhe nuk paguajnë në hyrjet pasuese, gjatë vitit kalendarik.

2. Përjashtohen nga pagimi i taksave konsullore:

a) personat që janë pajisur me pasaportë diplomatike dhe shërbimi;

b) personat e organizatave bamirëse dhe filantropike;

c) punonjësit e Kryqit të Kuq dhe të Ligës Ndërkombëtare të Kryqit të Kuq;

ç) shtetasit e huaj me kombësi shqiptare;

d) shtetasit me dy nënshtetësi, shqiptare dhe të huaj;

dh) personat që shoqërojnë mjete me ndihma humanitare në baze të marrëveshjeve ose të dërguara nga organizatat bamirëse, institucionet e ndryshme, individë të veçantë, ose qeveritë e huaja;

e) rastet e vdekjeve të shtetasve shqiptarë jashtë shtetit;

ë) në rastet e kërkuara nga autoritetet e larta zyrtare të huaja, nëse garantohej parimi i reciprocitetit.

3. Përjashtohen nga pagimi i taksës vjetore të tonazhit për aks:

a) mjetet në pronësi të ambasadave dhe organizatave ndërkombëtare, që gëzojnë statusin diplomatik, të akredituara në Republikën e Shqipërisë, duke zbatuar parimin e reciprocitetit;

b) automjetet në pronësi të personave fizike ose juridike, të cilët deklarojnë brenda muajit janar të vitit në vazhdim se nuk do të qarkullojnë gjatë këtij viti kalendarik dhe dorëzojnë pranë Drejtorisë së Përgjithshme të Shërbimeve të Transportit Rrugor targën dhe lejen e qarkullimit të automjetit.

4. Përjashtohen nga taksa e qarkullimit të automjeteve të huaja:

a) automjetet e huaja, që sjellin ndihma humanitare falas;

b) mjetet që qarkullojnë me lejekalimi pa pagesë të taksave rrugore, mbi bazën e reciprocitetit;

c) mjetet e përfaqësive diplomatike e të shoqatave bamirëse.

5. Përjashtohen nga pagimi i taksës për aparatet radiotelevizive të gjitha institucionet shkollë dhe konvikte shtetërore të shkollave, si dhe institucionet shëndetësore shtetërore.

6. Përjashtohen nga pagimi i taksës për pajisjet me lejedrejtimi për drejtim automjeti, personeli i misioneve diplomatike të akredituara në Republikën e Shqipërisë, duke zbatuar parimin e reciprocitetit. .

7. Nga pagimi i taksës për shërbimet e radiokomunikacioneve përjashtohen:

a) përfaqësitë diplomatike të akredituara në Republikën e Shqipërisë;

b) organizatat bamirëse dhe filantropike të regjistruara në vendin tone;

8. Nga pagimi i taksës së kalimit me avion të kufirit të Republikës së Shqipërisë përjashtohen:

a) personat që janë të pajisur me pasaportë diplomatike e shërbimi, si dhe anëtarët e delegacioneve të huaja presidenciale e qeveritare;

b) personat e organizatave bamirëse e filantropike;

c) punonjësit e Kryqit të Kuq, të Ligës Ndërkombëtare të Kryqit të Kuq dhe misionaret e Nënë Terezës;

ç) anëtarët e familjeve të përfaqësuesve diplomatike, të akredituar në Republikën e Shqipërisë, që jetojnë bashkërisht;

d) anëtarët e personelit të misionit diplomatik, të akredituar në Republikën e Shqipërisë, që punojnë në shërbimin administrativ dhe teknik të misionit, si dhe anëtarët e familjeve të tyre;
dh) personeli i avionit dhe personeli i shoqërive ajrore, në baze të reciprocitetit;
e) fëmijët e pajisur me gjysmebilete për shtetasit shqiptarë, që shkojnë me shërbim jashtë shtetit, pagesa do të përballohet nga institucioni ose ndërmarrja, e cila i dërgon me shërbim.

9. Përfshihen nga pagimi i taksës ,se akteve dhe të pullës:

a) veprimet zyrtare, që kërkohen nga autoritetet e huaja, në baze reciprociteti;
b) regjistrimi i lindjeve dhe i vdekjeve, si dhe shënimet në regjistrat e gjendjes civile.

10. Përfshihen nga pagimi i taksës për ulje-ngritjen e avionëve dhe qëndrimin e tyre në aeroport:

a) avionët që transportojnë ndihma humanitare, shtetërore dhe shoqëritë bamirëse;
b) avionët që kryejnë detyra teknike për kalibrim pajisjesh lundruese, për llogari të Drejtorisë së Aviacionit Civil, si dhe avionët spitalore e të kërkim-shpëtimit;
c) avionët ushtarake, që nuk kryejnë veprime tregtare (transport udhëtarësh e ngarkim-shkarkim mallrash);
ç) avionët ushtarake, që vijnë në Shqipëri, në kuadër të dërgimit të ndihmave humanitare falas për vendin tone;
d) avionët, që vijnë për të marrë ose për të sjellë delegacione të larta shtetërore, të kryesuar nga Presidenti i Republikës, Kryetari i Kuvendit, Kryeministri ose delegacione të larta ushtarake.

11. Përfshihen nga pagimi i taksave të mbikalimeve ajrore në territorin e Republikës së Shqipërisë avionët ushtarake .

Neni 11

Kundërvajtjet administrative

Përbejnë kundërvajtje administrative shkeljet e mëposhtme:

a) mospagimi i taksave kombëtare nga personat e detyruar për t'i paguar;
b) falsifikimi i të dhënave dhe i dokumentacioneve baze për llogaritjen e tyre nga personat që duhet të paguajnë taksë;
c) mosllogarjtja ose mostransferimi në Buxhetin e Shtetit, në mënyrë korrekte dhe në kohën e duhur, i taksave kombëtare nga agjentët e taksave;
ç) mosmbajtja në mënyrë korrekte e regjistrimeve të taksave të arkëtuara nga agjentët e taksave;
d) mosdhënia nga agjentët për organet tatimore e të dhënave të kërkuara për llogaritjet e taksave.

Neni 12

Dënimet

1. Shkeljet e parashikuara në nenin 11 të këtij ligji, kur nuk përbejnë vepër penale, përbejnë kundërvajtje administrative dhe dënohen me gjobe si më poshtë:

a) për shkeljet sipas shkronjave "a" dhe "b" të nenit 11, personat që nuk kanë paguar taksat dënohen me gjobe 5 mijë deri në 20 mijë leke dhe vëljën në masë të plote të saj;
b) për shkeljet sipas shkronjës "c" të nenit 11, agjentët e taksave dënohen me gjobe të barabartë me shumën e taksës së pallogaritur ose të patransferuar në Buxhetin e Shtetit, si dhe me vëljën në masë të plote të saj .
c) për shkeljet sipas shkronjës "ç" të nenit 11, agjentët e taksave dënohen me gjobe 10 mijë deri në 50 mijë leke;

ç) për shkeljet sipas shkronjës "d" të nenit 11, agjentët e taksave dënohen me gjobe 50 mijë leke.

2. Procedurat e ankimit dhe të ekzekutimit të masave administrative bëhen në përputhje me ligjin nr.8560, datë 22.12.1999 "Për procedurat tatimore në Republikën e Shqipërisë".

Neni 13

Shfuqizimet

Ligji nr. 8435, datë 28.12.1998 "Për sistemin e taksave në Republikën e Shqipërisë", me ndryshimet përkatëse, shfuqizohet.

Neni 14

Hyrja në fuqi

Ky ligj hyn në fuqi 15 ditë pas botimit në Fletoren Zyrtare

Shpallur me dekreten nr. 3610, datë 20.12.2002 të Presidentit të Republikës së Shqipërisë, Alfred Moisiu

Lidhja nr .

NIYELI I TAKSAVE PORTUALE NE REPUBLIKEN E SHQIPERISE

Ne EURO		
Lloji i taksave	Për çdo ton neto të regjistrit të anijeve	Gjithsej për çdo anije
1. Taksa portuale:		
a) Për anije që ngarkojnë e shkarkojnë mallra të përgjithshme	0,4	
b) Për anije që ngarkojnë e shkarkojnë mallra të lëngshme	0,6	
c) Për anijet target RO/RO dhe të udhëtarëve	0,35	
d) Për anijet sportive, jahte:		
- Deri 30TRN		15
- Nga 31 deri 70 TRN		30
2. Takse feneri:		
- për anijet deri në 200 TRN	0,10	
- për anijet nga 201 deri 500 TRN		20
- për anijet mbi 501 TRN		50
3. Takse për formalitetet e kryera nga organet e shëndetësisë, kapitanerisë së porteve dhe autoritetet e tjera :		
- për anijet deri në 200 TRN	0,25	
- për anijet nga 201 deri 500 TRN	100	
- për anijet nga 501 deri 2000 TRN	180	

- për anijet nga 2001 deri 4000 TRN	210	
- për anijet mbi 4001 TRN	300	

4. Anijet qe ngarkojnë ujë për eksport ne pikat jashtë porteve, paguajnë taksa portuale gjithsej ne masën 300 EURO për çdo rast furnizimi.

5. Anijet e huaja i paguajnë taksat portuale ne valute lirisht te konvertueshme, kurse anijet e personave juridike o fizike te regjistruar ne Republikën e Shqipërisë paguajnë ne valute ose ne leke ne raport me realizimin e te ardhurave.

6. Taksat portuale paguhen ne prekjen e pare te çdo porti shqiptar, pavarësisht se anija do te shkoje për veprime tregtare dhe ne porte te tjera shqiptare ne te njëjtin reis.

Lidhja nr. 2

T AKSAT PER SHERBIMET KONSULLORE

1. Taksat për lëshimin e vilave dhe dokumenteve te udhëtimit:

1. Për lëshimin e pasaportave te udhëtimit : 2000 leke

2. Për lëshimin e pasaportave te udhëtimit nga përfaqësitë 50 EURO

3. Zgjatja e pasaportës nga përfaqësitë 15 EURO

4. Për leje kalimi 200 leke

5. Leje kalimi lëshuar nga përfaqësitë 30 EURO

6. Taksa e vizës për shtetasit e huaj Reciprocitet

7. Taksa e vizës për shtetasit e huaj qe hyjnë ne territorin e Republikës se Shqipërisë me grupe turistike nëpërmjet shoqërive turistike reciprocitet, por jo me shume se 10 EURO.

8. Taksa e hyrjes ne territorin e Republikës se Shqipërisë për shtetasit e huaj, qe nuk kane nevojë për vize, do te jete sipas parimit te reciprocitetit, por jo me shume se 10 EURO.

9. Taksa e hyrjes se shtetasve te huaj qe nuk kane nevojë për vize dhe qe hyjnë ne territorin e Republikës se Shqipërisë me grupe turistike nëpërmjet shoqërive turistike, reciprocitet, por jo me shume se 10 EURO.

Kjo takse nuk zbatohet për periudhën 1 maj- 1 nëntor .

10. Turistet individuale një ditore dhe ata te organizuar ne grupe turistike një ditore nuk paguajnë takse vize ose takse hyrjeje.

II. Taksat për lëshimin, verifikimin dhe legalizimin e dokumenteve:

1. Certificate te çdo lloji lëshuar nga përfaqësitë për shtetasit shqiptare

30 EURO

2. Certificate te çdo lloji lëshuar nga përfaqësitë për shtetasit e huaj

Reciprocitet

3. Vërtetime te çdo lloji lëshuar nga përfaqësitë për shtetasit shqiptare

30 EURO

4. Vërtetime te çdo lloji lëshuar nga përfaqësitë për shtetasit e huaj

Reciprocitet

5. Verifikimi i dokumentit nga përfaqësitë

10 EURO

6. Legalizimi i dokumentit për shtetasit shqiptare nga Ministria e Punëve te Jashtme

200 leke

7. Legalizimi i dokumentit nga përfaqësitë për shtetasit shqiptare

30 EURO

8. Legalizimi i dokumentit për shtetasit e huaj Reciprocitet

III .Taksat për lëshimin e përpilimin e akteve te tjera noteriale dhe përkthimin e dokumenteve nga përfaqësitë

- | | |
|---|-----------------|
| 1. Përpilimi i deklaratave, autorizimeve, testamenteve kontratave, garancive dhe prokurave te posaçme nga përfaqësitë | 20 EURO/ faqe |
| 2. Vërtetimi i dublikatave dhe kopjeve | 20 EURO/ faqe . |
| 3. Përkthimi i dokumenteve | 10 EURO/ faqe |

Shënim: Me termin përfaqësi kuptohet përfaqësia diplomatike ose konsullore jashtë shtetit. Taksa mund te arkëtohet edhe ne dollarë ose ne monedhën e vendit, duke pasur parasysh kursin e këmbimit.

Lidhja nr. 3

TAKSAT VJETORE TE TONAZHIT PER AKS TE MJETEVE

Nr.	Tipi i mjetit	Masa e taksës për një aks ne leke
1.	Autoveture dhe mikrobus me me shume se (4 + 1) dhe me me pak ose e barabarte me (8 + 1) vende	5 000
2.	Autobus me me pak ose i barabarte me (32 + 1) vende	10 000
3.	Autobus me me pak ose i barabarte me (42 + 1) vende	13 000
4.	Autobus me me shume se (42 + 1) vende	15 000
5.	Furgon dhe kamionçine me peshe maksimale te autorizuar me te vogël ose te barabarte me 3 tone	5 000
6.	Furgon dhe kamion me peshe maksimale te autorizuar mbi 3 dhe deri ose te barabarte me 3,5 tone	10 000
7.	Kamion me peshe maksimale te autorizuar mbi 3,5 dhe deri ose te barabarte me 7,5 tone	15 000
8.	Kamion me peshe maksimale te autorizuar mbi 7,5 dhe deri se te barabarte me 18 tone	18 000
9.	Kamion me peshe maksimale te autorizuar mbi 18 tone	23 000
10.	Mjete për punime ndërtimi dhe toke (traktor rrugor, karkalec etj.) Me peshe maksimale te autorizuar me te vogël ose te barabarte me 7,5 tone	15 000
11.	Mjete për punime ndërtimi dhe toke (traktor rrugor, fadrone etj.) me Peshe maksimale te autorizuar mbi 7,5 tone	18 000
12.	Mjete ndërtimi (autovinça, autobetoniere etj.) me peshe maksimale te autorizuar deri ose te barabarte me 7,5 tone	20 000
13.	Mjete ndërtimi (autovinça, autobetoniere etj.) me peshe maksimale te autorizuar mbi 7,5 dhe deri ose te barabarte me 18 tone ,	24 000
14.	Mjete ndërtimi (autovinça, autobetoniere etj.) me peshe maksimale te autorizuar mbi 18 tone	30 000
15.	Rimorkio me peshe maksimale te autorizuar me te vogël ose te barabarte me 7 tone	7 500
16.	Rimorkio me peshe maksimale te autorizuar mbi 7 tone	10 000

Shënim: Vlerat e taksave ne tabelën e mësipërme janë vetëm për një aks. Pagesa e plote e taksës do te jete sa vlera e taksës për një aks shumëzuar me numrin e akseve.

Lidhja nr. 4

TAKSA E QARKULLIMIT TE AUTOMJETEVE TE HUAJA

ne EURO

1. Për veturat e udhëtarëve për çdo dite apo pjese te ditës	1
2. Për mikrobusët	2
3. Për autobusët për udhëtarë për çdo km ne token shqiptare (Kjo takse nuk mund te jete me e vogël se 5 EURO për çdo dite)	0,002
4. për kamionët e rimorkiot e kamionëve për çdo ton/km ne token shqiptare (Kjo takse nuk mund te jete me e vogël se 8 EURO për çdo dite).	0,02
5. Kur automjetet kalojnë pa ngarkese paguajnë 50% te taksës.	

Lidhja nr. 5

TAKSA PER VEPRIMET DHE SHERBIMET QE KRYHEN NGA ADMINISTRATA GJYQESORE, MINISTRIA E DREJTESISË, NOTERIA, ZYRAT E REGJISTRIMIT TE PASURIVE TE PALUAJTSHME, PROKURORIA DHE ZYRAT E GJENDJES CIVILE

A. Taksa për veprime e shërbime qe kryhen nga administrata gjyqësore e prokuroria:	Masa e taksës ne leke	ne %
1. Për regjistrimin e personave fizike e juridike private (shtetas shqiptare)	1 000	
2. Për regjistrimin e personave juridike private (shtetas te huaj)	4 500	
3. Për lëshimin e vërtetimit se personi nuk ka pengesa ligjore për pajisjen me pasaporte për jashtë shtetit	100	
4. Për lëshimin nga gjykata te çdo kopje vendimi e çdo dokumenti qe kërkohet nga te interesuarit	100	
5. Për lëshimin e dëshmisë se penalitetit nga zyrat e gjendjes gjyqësore	100	
6. Për legalizimin e akteve te noterisë nga Ministria e Drejtësisë	100	
7. Kërkesë padi qe paraqiten ne gjykate:		
a) për pension ushqimor	-	
b) për vërtetim fakti	100	
c) padi për zgjidhje martese	1 500	
ç) padi për pavlefshmëri te veprimeve juridike	1 500	
d) padi te rrjedhura nga marrëdhënie kontraktore si dhe për shkaktim demi		
i. me vlefte deri 100 000 leke	1 500	
ii. me vlefte mbi 100000 leke		1%
dh) padi për pjesëtim pasurie	1 500	
e) padi për kthim ne pune	-	
B. Takse për veprime qe kryhen nga përmbaruesi gjyqësor:		
1. Për vënien ne ekzekutim te vendimeve e titujve te tjerë ekzekutive me objekt te pavlefshueshem	750	

2. Për vënien ne ekzekutim te vendimeve e titujve te tjerë ekzekutive me objekt te vleftesueshem:

a) kundrejt shtetasve	3%
b) kundrejt personave juridike	7%
3. Për lajmërimet dhe veprimet e tjera te përmbaruesit gjyqësor	100
4. Për lëshime nga përmbaruesi gjyqësor te çdo lloj akti ose dokumenti te kërkuar nga te interesuarit	100
5. Për vënien ne ekzekutim te vendimeve me objekt pension ushqimor	-

C. Taksat për veprimet qe kryhen nga zyrat noteriale:

1. Përpilimi i testamenteve me akte noteriale	450
2. Përpilimi i testamenteve alografe (me vërtetim firme)	200
3. Prokura (redaktim):	
a) te përgjithshme	150
b) te posaçme	150
4. Për lëshimin e kopjeve, shkurtime e pjese te akteve te depozituara ne zyrën noteriale	150
5. Vërtetim se kopjet ose shkurtime e dokumenteve janë te njëjta me origjinalin	150
6. Vërtetim përkthimi dhe vërtetim njësie me origjinalin	100
7. Kontrata për kalim pronësie te pasurisë se luajtshme	700
8. Kontrata për kalim pronësie te pasurisë se paluajtshme	1 000
9. Redaktimi i akteve noteriale te ndryshme	150
10. Njoftim dhe kujtese noteriale ose akte te tjera jashtëgjyqësore	150
11. Legalizimi nënshkrimit te shtetasve ne akte te ndryshme	100
12. Depozitimi i kapitalit themelor për themelimin e një shoqërie ne baze te ligjit nr. 7638, date 19.11.1992 "Për shoqëritë tregtare"	300
13. Pranimi për ruajtje te dokumenteve te personave fizike dhe juridike ne zyrat noteriale	300
14. Vërtetimi i qenies se një personi dhe qëndrimi i tij ne një vend te caktuar	150
15. Veprime te tjera noteriale	100

Ç. Taksat për veprimet qe kryhen nga zyrat e regjistrimit te pasurive te paluajtshme:

1. Kërkesa për regjistrimin e pronësisë te pasurisë se paluajtshme	300
2. Kërkesa për regjistrimin e pjesëtimit, ndarjes ose bashkimit te pasurisë se paluajtshme	300
3. Kërkesa për përgatitjen e dokumenteve për ne gjykate ose organ tjetër administrativ	150
4. Kërkesa për regjistrimin për kalim pronësie, qiraje, nenqiraje	300
5. Kërkesa për regjistrim hipoteke ligjore	150
6. Kërkesa për regjistrim përfshirje hipoteke ligjore	150
7. Kërkesa për regjistrim përfshirjen e një vendimi gjykate a te një akti administrativ	150
8. Kërkesa për regjistrim servituti, marrëveshjeje kufizuese	150
9. Kërkesa për regjistrim për fshirjen e një servituti, marrëveshjeje kufizuese	150
10. Regjistrimi i kërkesave për heqjen dore nga te drejtat pasurore mbi pasurinë e paluajtshme	100

11. Regjistrimi i kërkesave për fitimin e pronësisë mbi pasurinë e paluajtshme me trashëgimi	300
12. Kërkesa për regjistrimin e veprimeve juridike mbi pasurinë paluajtshme nga personat fizike dhe juridike me banim jashtë shtetit	300
13. Për lëshimin e certifikatave të pasurisë	100
14. Për lëshimin e çdo kopjeje të certifikatës së pasurisë	50
15. Për lëshimin e çdo akti të interesuarve për veprimet hipotekare	50
D. Taksa e akteve dhe e pullës :	
1. Për lëshimin e certifikatave të gjendjes civile	50
2. Për lëshimin e pasaportave për brenda vendit	100
3. Për marrjen e çdo akti të emetuar ose të zhdukur të gjendjes civile, si dhe për korrigjimet e tyre,	50
4. Për regjistrimin e dhënies së shtetësisë	700
5. Për regjistrimin e lënies së shtetësisë	700
6. Për regjistrimin e vendimit të ndërrimit të emrit ose mbiemrit	700
7. Për çdo lidhje martesë	600

Lidhja nr. 6

TAKSAT PËR SHËRBIMET E RADIOKOMUNIKACIONIT

Pjesa A

Taksat për shërbimet private të radiokomunikacionit

I. Shërbimi aeronautikë:

1. Stacion baze në tokë	10 000 leke në vit
2. Stacion i lëvizshëm në tokë	7 500 leke në vit
3. Stacion portativ në tokë	5 000 leke në vit
4. Terminal satelitor në avion	40 000 leke në vit
5. Radarët dhe pajisjet e radionavigacionit aeronautik	3 000 leke në vit
	Për çdo pajisje
6. Stacionet e avionit me aftësi ngritëse	
Deri në 3 200 kg	5 000 leke në vit
Mbi 3 200 kg deri në 14 000 kg	40 000 leke në vit
Mbi 14 000 kg	80 000 leke në vit
II. Shërbimi detar	
1. Stacion bregdetar	10 000 leke në vit
	Për çdo stacion baze
2. Radarë dhe pajisje radionavigimi	2 500 leke në vit
	Për çdo pajisje
3. Radio për operacione portuale	1 500 leke në vit
	Për çdo radio
4. Stacion baze në anije (HF, VHF,UHF)	5 000 leke në vit
	Për çdo radio
5. Stacion portativ (VHF) në anije	1 000 leke në vit
	Për çdo radio
6. Terminal satelitor në anije INMARSAT	3 000 leke në vit
III. Shërbimi satelitor:	

1. Stacioni tokësor fiks:	
- analog me gjerësi brezi deri ne 100 kHz	150 000 leke ne vit
- me gjerësi brezi deri mbi 100 deri ne 1 MHz	500 000 leke ne vit
- me gjerësi brezi mbi 1 MHz	1 200 000 leke ne vit
- dixhital me kapacitet deri ne 64 kbps	25 000 leke ne vit
Deri ne 2 Mb/s	75 000 leke ne vit
Mbi 2 Mb/s deri ne 8 Mb/s	300 000 leke ne vit
Mbi 8 Mb/s	700 000 leke ne vit
2. Stacion tokësor i transportueshem (ne automjete)	800 000 leke ne vit
3. Stacion portativ VSAT (çante, valixhe)	30 000 leke ne vit
4. Stacion tokësor i transportueshem me afat qëndrimi deri ne një muaj ne vendin tone	60 000 leke ne vit
5. Stacion portativ VSAT (çante, valixhe) me afat qëndrimi deri ne 6 muaj ne vendin tone	15 000 leke ne vit
IV. Shërbimi i lëvizshëm ne toke:	

1. Shërbim i lëvizshëm (PMR), ne brezin 146 MHz deri ne 470 MHz

A. Sisteme dupleks e gjysmedupleks me gjerësi kanali deri 12,5 Khz :

Zona e shërbimit	Lidhje midis dy stacioneve përsëritës	Lidhje stacioni fiks me stacion te lëvizshëm dhe/ose stacion i lëvizshëm me stacion te lëvizshëm
deri ne 10 km	15 000 leke ne vit	10 000 leke ne vit
mbi 10 deri ne 30 km	25 000 leke ne vit	20 000 leke ne vit
mbi 30 deri ne 50 km	55 000 leke ne vit	40 000 leke ne vit
mbi 50 km	80 000 leke ne vit	65 000 leke ne vit

Ky nivel taksash zbatohet për sisteme qe kane deri ne 10 stacione te lëvizshme.

B. Për sisteme te njëjta me ato te pikës 1.A, por me numër me te madh stacionesh te lëvizshme, zbatohen taksat e mëposhtme:

-për sistem me 11 deri ne 25 stacione taksës përkatëse te pikës 1.A i shtohet po ajo vlere ne koeficient reduktimi 0,8

-për sistem me 26 deri ne 40 stacione taksës se mësipërme i shtohet taksa e pikës 1.A, me Koeficient reduktimi 0,6

-për sistemin qe ka mbi 40 stacione taksës se mësipërme i shtohet taksa e pikës 1.A me koeficient reduktimi.0,4

C. Për sistemet me gjerësi kanali 25 kHz taksa e llogaritur si ne 1.A dhe 1.B te shumëzohet me koeficientin 1,5

Ç. Për sistemet simplekse zbatohen taksat përkatëse te pikave 1.A dhe 1.B me koeficient reduktimi 0,5

2. Sistem "trunk" kombëtar

- 100 000 leke ne vit për çdo kanal me gjerësi 12,5 kHz
- 150000 leke ne vit për çdo kanal me gjerësi 25 kHz

3. Sistemi "trunk" rajonal

- 30 000 leke ne vit për çdo kanal me gjerësi 12,5 kHz
- 40 000 leke ne vit për çdo kanal me gjerësi 25 kHz

4. Sistem TETRA

- 50 000 leke ne vit për sistem kombëtar për çdo kanal 25 kHz
- 20 000 leke ne vit për sistem rajonal për çdo kanal 25 kHz

V. Shërbimi fiks për operatorët e telekomunikacioneve:

Lidhje dydrejtimëshe:

Sistem ne brezin deri 80 MHz	80 000 leke ne vit për çdo kanal 3 kHz
Sistem ne brezin 80 deri ne 500 MHz	40 000 leke ne vit për çdo kanal 25 kHz
Sistem ne brezin 500 deri ne 1000 MHz	25 000 leke ne vit për çdo kanal 200 kHz
	50 000 leke ne vit për çdo kanal mbi 200 kHz.

Sistem ne brezin mbi 1000 MHz

a) analog:	për çdo kanal me gjerësi deri ne 1 MHz	30 000 leke ne vit
	për çdo kanal me gjerësi deri ne 10 MHz	40 000 leke ne vit
	për çdo kanal me gjerësi mbi 10 MHz	60 000 leke ne vit
b) dixhital:		
	për kapacitet deri ne 128 kb/s	50 000 leke ne vit
	për kapacitet deri ne 2 Mb/s	20 000 leke ne vit
	për kapacitet deri ne 8 Mb/s	30 000 leke ne vit
	për kapacitet deri ne 34Mbps	40 000 leke ne vit
	për kapacitet mbi 34 Mb/s	50 000 leke ne vit

Shënim : Me lokal do te kuptohet mbulimi i territorit ne nivel rrethi. Me rajonal do te kuptohet mbulimi i territorit te disa rretheve. Me kombëtar do te kuptohet mbulimi i 50% te territorit shqiptar .

Pjesa B

Taksat për shërbimet publike te radiokomunikacioneve

1. Shërbimi fiks tokësor

-Për përdorim joekskluziv te frekuencave:

Sistem analog (radio-rele)	3 000 leke ne vit për çdo kanal telefonik 3 kHz
Sistem dixhital (radio-rele)	1 500 leke ne vit për çdo kanal telefonik 64 kHz
Sistem dixhital (radio-rele)	20 000 leke ne vit për çdo link 2 Mbit/sek
Sisteme radio te telefonisë rurale	1 000 leke ne vit për çdo kanal telefonik

-Për përdorim ekskluziv te frekuencave ne nivel kombëtar:

Ne brezin UHF	100 000 leke ne vit për çdo 1 Mhz gjerësi brezi te përdorur
Ne brezin 1-5 Ghz	60 000 leke ne vit për çdo 1 Mhz gjerësi brezi te përdorur
Ne brezin 5-11 Ghz	40 000 leke ne vit për çdo 1 Mhz gjerësi brezi te përdorur
Ne brezin mbi 11 Ghz	20 000 leke ne vit për çdo 1 Mhz gjerësi brezi te përdorur

2. Shërbim fiks satelitor:

Sistem analog	5 000 leke ne vit për çdo kanal telefonik 3 kHz
Sistem dixhital	3 000 leke ne vit për çdo kanal telefonik 64 kHz

3. Shërbim i lajmërimit te personit (Pager):

Lidhje ndërmjet stacioneve fikse (baze-përsëritës)	40 000 leke ne vit
	për çdo hop radio

Për çdo stacion baze	30 000 leke ne vit
----------------------	--------------------

4. Shërbim i lëvizshëm telefonik (GSM)	150 000 leke ne vit
	për çdo kanal 200 kHz

5. Shërbim internet

Lidhje me sistem satelitor	10 000 leke ne vit për çdo njësi 64 kb/s
Lidhje me sistem radio-rele	1 500 leke ne vit për çdo njësi 64 kb/s

6. Shërbim telefonik satelitor (GMPCS)	4 000 EURO ne vit
--	-------------------

Lidhja nr. 7

TAKSA VJETORE PER USHTRIMIN E VEPRIMTARISE SE PESHKIMIT

Leke ne vit

I. Peshkimi detar (për 1 anije)

1. Peshkimi detar fundor:

-anije 160-200 HP	40000
-anije 201-410 HP	50000
-anije mbi 410 HP	80000

2. Peshkimi pellagjik me tratavolante:

-anije 160-200 HP	20000
-anije 201-410 HP	30000
-anije mbi 410 HP	40 000

3. Peshkimi pellagjik me rrethime:

-anije 80-200 HP	10 000
-anije 201-410 HP	20000
-anije mbi 410HP	30000

4. Peshkimi pellagjik dhe fundor:

-anije 160-200 HP	40000
-anije 201-410 HP	60000
-anije mbi 410 HP	90000

5. Peshkimi me mjete selektike dhe trata fundore:

-anije 40 -80 HP	15 000
-anije 81-160 HP	25000
-anije 161-200 HP	40000
-anije 201-410 HP	50000
-anije mbi 410 HP	80000

6. Peshkimi i molusqeve bivalvore

(i autorizuar)

II. Peshkimi artizanal me mjete te lehta:

1 .Peshkimi ne bregdet (për një sanall dhe me motor deri ne 40HP)

7 000

2. Peshkimi ne lagunat bregdetare:

-ne lagune (1 lundror)	10000
-ne dajlanë (1 peshkatar)	12 000

3. Peshkimi ne ujera te brendshme:

-aktiv (1 lundror)	5 000
-ne dajlanë e prita (1 peshkatar)	8 000

4. Grumbullimi i molusqeve bivalvore

me mjete te lehta (gabie) për 1(një) peshkatar 20000

III. Peshkimi sportiv ne det

me mjete lundruese (për 1 mjet) 40 000

IV. Akuakultura:

1. Kultivimi i midhjeve për një impiant 10 000

2. Kultivimi i peshqve me impiante ne

det, ne liqene, ne rezervuare 1 000

3. Akuakulture me impiante ne toke 10000

Shënim: Për anijet e huaja qe do te marrin licence peshkimi ne ujerat tona territoriale, taksa e lejes se ushtrimit te veprimtarisë do te jete sa dyfishi i anijeve shqiptare. Nuk i nënshtrohen kësaj takse anijet e autorizuara nga Ministria e Bujqësisë dhe Ushqimit (Drejtoria e Peshkimit), qe do te peshkojnë për qëllime studimore e shkencore.

Lidhja nr. 8

NIYELI I TAKSAVE PER ULJEN DHE NGRITJEN E AVIONEVE DHE QENDRIMIN E TYRE

1. Taksat për ulje-ngritje te avionit:

	EURO
Për avionë deri ne 1 ton	25
mbi 1 deri ne 2 tone	35
mbi 2 deri ne 6 tone	70
mbi 6 deri ne 10 tone	120
mbi 10 deri ne 20 tone	200
mbi 20 deri ne 30 tone	300
mbi 30 deri ne 45 tone	400
mbi 45 deri ne 60 tone	550
mbi 60 deri ne 80 tone	650
mbi 80 deri ne 100 tone	700
mbi 100 deri ne 120 tone	800
mbi 120 tone	900

2. Taksat e qëndrimit ne aeroport:

(3 deri ne 24 ore)

deri ne 1 ton	8
mbi 1 deri ne 2 tone	12
mbi 2 deri ne 6 tone	35
mbi 6 deri ne 10 tone	40
mbi 10 deri ne 20 tone	60
mbi 20 deri ne 30 tone	80
mbi 30 deri ne 45 tone	100
mbi 45 deri ne 60 tone	130
mbi 60 deri ne 80 tone	140
mbi 80 deri ne 100 tone	150
mbi 100 deri ne 120 tone	170
mbi 120 tone e lart	200

-Pesha baze për pagesën e taksave te mësipërme do te konsiderohet pesha maksimale e ngritjes se avionit (MTOW).

-Kur fluturimet kryhen ditët e diela, festa zyrtare, fetare si dhe jashtë orarit te punës se aeroportit, me përjashtim te avionëve te linjave te rregullta, taksave te mësipërme u behet një shtese 50 për qind.

-Ne rast se avioni qe është ngritur nga aeroporti detyrohet te ri ulet, për shkaqe te kushteve atmosferike ose defekteve, taksat për uljen e përsëritur do te jene 50 për qind me te ulëta.

Lidhja nr .9

T AKSAT VJETORE PER SHERBIMET E TRANSMETIMEVE RADIO E TELEVIZIVE

Për transmetuesit ose përsëritësit televizive analoge tokësore, radio FM tokësore, radio AM te operatoreve private radio e televizive, kombëtare e vendore:

1. Për çdo transmetues ose përsëritës televiziv analogjik tokësor

- | | |
|--|--------------------|
| a) me fuqi te rrezatuar deri ne 10W | 1 500 leke ne vit |
| b) me fuqi te rrezatuar deri ne 100W | 6 000 leke ne vit |
| c) me fuqi te rrezatuar deri ne 1000W | 24 000 leke ne vit |
| ç) me fuqi te rrezatuar deri ne 10000W | 48000 leke ne vit |

- | | |
|------------------------------------|--------------------|
| d) me fuqi te rrezatuar mbi 10000W | 60 000 teke ne vit |
|------------------------------------|--------------------|

2. Për çdo transmetues ose përsëritës radio FM tokësore

- | | |
|--|--------------------|
| a) me fuqi te rrezatuar deri ne 10W | 300 teke ne vit |
| b) me fuqi te rrezatuar deri ne 100 W | 1 200 teke ne vit |
| c) me fuqi te rrezatuar deri ne 1000W | 4 800 teke ne vit |
| ç) me fuqi te rrezatuar deri ne 10000W | 9 600 teke ne vit |
| d) me fuqi te rrezatuar mbi 10000W | 12 000 teke ne vit |

3. Ne qofte se një nga transmetuesit ose përsëritësit 1.b, 1.c, 1.9, 1.d, 2b, 2c, 29, 2d, mbulon mbi gjysmën e qytetit te Tiranes, atehere taksa e llogaritur ne këto pika shumëzohet me koeficientin 5.

4. Ne qofte se një nga transmetuesit ose përsëritësit 1.b, 1.c, 1.9, 1.d, 2b, 2c, 29, 2d, mbulon mbi gjysmën e një qyteti me popullsi mbi 100000 banore, atehere taksa e llogaritur ne këto pika shumëzohet me koeficientin 2.

5. Ne qofte se një nga transmetuesit ose përsëritësit 1.b, 1.c, 1.9, 1.d, 2b, 2c, 29, 2d, mbulon mbi gjysmën e një qyteti me popullsi 50 000 deri ne 100 000 banore, atehere taksa e llogaritur ne këto pika shumëzohet me koeficientin 1,5 .

6. Ne qofte se transmetuesit ose përsëritësit 1.b, 1.c, 1.9, 1.d, 2b, 2c, 29, 2d, mbulojnë dy ose me shume qytete te cituara ne pikat 3,4,5, atehere taksa e llogaritur ne këto pika shumëzohet vetëm një here me koeficientin me te larte .

7. Për çdo transmetues AM 200 000 leke ne vit.

Operatoret radio dhe/ose televizive te ritransmetimit te programeve te huaja me përsëritës te licencuar nga KKRT-ja paguajnë vetëm 20 për qind te taksave te përcaktuara me sipër .